



**Հ Ա Յ Ա Ս Տ Ա Ն Ի Հ Ա Ն Ր Ա Պ Ե Տ Ո Ւ Թ Յ Ո Ւ Ն  
Գ Ե Ղ Ա Ր Ք Ո Ւ Ն Ի Ք Ի Մ Ա Ր Ձ Պ Ե Տ  
Ո Ր Ո Շ Ո Ւ Մ**

N 186 - Ա  
23 հոկտեմբերի 2013 թ.

ՄԱՐԶԻ ՎԱՐԴԵՆԻԿ ՀԱՄԱՅՆՔԻ ԱՎԱԳԱՆՈՒ ԵՎ ՀԱՄԱՅՆՔԻ ՂԵԿԱՎԱՐԻ  
ԳՈՐԾՈՒՆԵՈՒԹՅԱՆ ՎԱՐՉԱԿԱՆ ՀՍԿՈՂՈՒԹՅԱՆ  
ԱՐԴՅՈՒՆՔՆԵՐԻ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 77<sup>1</sup>, 77<sup>2</sup>, և 77<sup>3</sup> հոդվածների և Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի

1.6-րդ կետի դրույթներով

**որոշում եմ՝**

1. Առաջարկել մարզի Վարդենիկ համայնքի ղեկավարին՝
  - 1) համայնքի բյուջեի կատարման մասին եռամսյակային հաղորդում ներկայացնել ավագանուն՝ համաձայն «Տեղական ինքնակառավարման մասին» ՀՀ օրենքի 69-րդ հոդվածի պահանջների.
  - 2) հարկերը ժամանակին չվճարողների նկատմամբ կիրառել «Տեղական ինքնակառավարման մասին» ՀՀ օրենքի 34-րդ հոդվածի պահանջները.
  - 3) առևտրի և ծառայությունների բնագավառում հսկողությունն իրականացնել «Առևտրի և ծառայությունների մասին» ՀՀ օրենքի 17-րդ հոդվածի 1-ին մասի պահանջներին համապատասխան.
  - 4) համայնքի ղեկավարի կողմից առևտրի և ծառայությունների ոլորտում իրականացված հսկողության արդյունքների վերաբերյալ պարբերաբար մարզպետարան ներկայացնել հաշվետվություն «Առևտրի և ծառայությունների մասին» ՀՀ օրենքի 17-րդ հոդվածի 2-րդ մասի պահանջներին համապատասխան.
  - 5) «Տեղական ինքնակառավարման մասին» Հայաստանի Հանրապետության օրենքի 16-րդ հոդվածի 1-ին մասի համաձայն և «Իրավական ակտերի մասին» Հայաստանի Հանրապետության օրենքի 34-րդ հոդվածի պահանջներով հաստատել համայնքի ավագանու

կանոնակարգը և այն ներկայացնել ՀՀ արդարադատության նախարարություն՝ պետական գրանցման.

- 6) <<Տեղական ինքնակառավարման մասին>> Հայաստանի Հանրապետության օրենքի 16-րդ հոդվածի համաձայն հաստատել <<Վարդենիկի մանկական երաժշտական դպրոց>> ՀՈԱԿ-ի կանոնադրությունը.
- 7) վարել համայնքի ղեկավարի, ավագանու և համայնքի ղեկավարի աշխատակազմի քարտուղարի կողմից ընդունված իրավական ակտերի հաշվառման մատյանները.
- 8) սույն որոշմամբ ներկայացված առաջարկությունները քննարկել համայնքի ավագանու նիստում և ձեռնարկված միջոցների ու կատարված աշխատանքների մասին գրավոր տեղեկացնել մարզպետին մինչև ս/թ նոյեմբերի 1-ը:

2. Որոշման կատարման հսկողությունը վերապահել մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչությանը:

3. Սույն որոշումն ուժի մեջ է ստորագրման պահից:

ՄԱՐԶՊԵՏ՝

*N. Պարսյան*

Ռ. ԳՐԻԳՈՐՅԱՆ